

欽定古今圖書集成

方輿彙編職方典



若雷霆如兩水相鬪

蘇州洋 在東沙淡水洋在西沙西南文天祥

過此皆有詩

鶴冢 在東沙秦家符

李重發隱居 在姚劉沙

欽定古今圖書集成方輿彙編職方典

第六百八十四卷目錄

蘇州府部彙考十六

蘇州府古蹟考三

王鏊碑云在無錫縣板村去梅里不二里而近然則秦伯墓亦無定屬想古跡流傳在在引據類如此

王僚墓 在岸粵山西吳地記云王僚葬岸粵山旁有思益寺

專諸墓 相傳在盤門內伍大夫廟側

要離墓 在吳縣西四里閶門南城內吳地記曰在秦伯廟南二百五十步相傳在今梵門橋西城下馬婆墩墩有砲座基嘉定十六年提刑

司修城此地多得古塚皆莫詳其姓氏漢書注要離塚在西伯鸞墓在北范志又云在閶門外金閶亭旁

吳女墓 在閶門外吳地記云閶門外女墳者

闔閭女墓吳越春秋云闔閭女曰勝玉王與夫人及女會食烝魚王前嘗半而與女女怒曰王食魚辱我乃自殺闔閭痛之葬於國西閶門外鑿池積土文石為槨題湊為中以金鼎玉杯銀罇珠襦之寶送女乃舞白鶴於吳市中令民隨

而觀之使男女與鶴俱入羨門因發機以掩之又取土注其地爲湖號女墳湖

馮煖墓 在吳縣西北二里卽煖所居死葬其側至唐墓碣猶存

吳王闔閭墓 在虎丘劍池越絕書及吳越春秋云闔閭之葬穿土爲山積壤爲丘發五都之士十萬人共治千里使象運土鑿池四周廣六十里水深一丈銅槨三重傾水銀爲池六尺黃金珍玉爲鳧雁葬之三日金精上爲白虎踞墳

故名虎丘劉向書云葬十餘年越人發之吳地記云秦王求劍虎復踞焉遂走而失或云墓卽虎丘寺法堂吳王墓有三一在蛇門外大丘去縣十五里一在匠門外欏溪瀆中去縣二十里一曰胥女大塚去縣四十五里

越王史墓 越絕書云巫門外窵山大塚故越王史塚也去縣二十里又云蒸山南夏駕大塚者越王塚去縣二十五里

申公巫臣墓 郡國志在匠門西南祥符圖經

云在將門外吳地記云在巫門外

孫武墓 越絕書云在巫門外大塚去縣十里

東漢書引皇覽云在吳縣東門外吳地記云在

平門西北二里地名未昌

干將葬墓 在匠門外吳地記云匠門本名干

將門門外有干將墓

王夫差墓 在陽山左傳云吳王乃縊越人以

歸注以其尸歸越絕書云夫差塚在猶亭西卑

猶位近太湖越王令干戈人以一塚土葬之吳

越春秋云夫差既伏劍越王以禮葬之秦餘杭

山宰嚭亦葬其旁其義子墳十八所俱在陽山

又號亞夫塚

瓊姬墓 夫差女也與夫差墓相近

慶忌墓 在邑治東北二十五里今云慶墳吳

地記云在齊門外今十四都有慶忌廟

神巫葬地 越絕書云匠門外欏溪瀆中連鄉

大丘者吳故神巫所葬也

澹臺滅明墓 在府城澹臺湖旁

莫格墓 越絕書云去縣二十里虎丘之北莫格古賢避世者

衛公子墓 越絕書云胥女南小蜀山春申君客衛公子塚也去縣三十五里又云土山春申君時治以為貴人塚次去縣十六里

赤瀾將軍墳 吳地記云在匠門南

麋王墓 在平門外武里

漢奉居都尉衡州刺史吳輝墓 在姑蘇山北十二里胥口東岸

蜀郡太守張康墓 俗名鳳凰墩在吳縣界或云在閶門外

梁鴻墓 在吳縣西四里要離墓西梁鴻疾困苦告臯伯通勿令子持喪歸及卒伯通求葬地以要離烈士伯鸞清高令相近陸龜蒙云在金閶亭旁幾一里續志云今閶門南城內法會庵西有古塚傳為要離梁鴻墓

孫王墓 在盤門外相傳為漢豫州刺史孫堅妻吳氏及其子會稽太守策三墓並在盤門外

三里權僭號追尊堅爲武烈皇帝吳氏爲武烈皇后策爲長沙桓王其墓曾爲村民盜發

臯伯通墓 在胥門外吳地志云號伯通墩

鬱林太守陸績墓 在陽抱山吳地記云在閶

門外泰伯廟西元至元間郡人朱澤民祖母病卜地陽抱山夢偉丈夫告云勿奪吾宅吾且爲夫人後旣而穿地得石刻曰鬱林太守陸績之墓別有刻云此石爛人來換石果斷矣遂掩之而卜兆其旁

五女墳 在西洞庭可盤灣西北

侍中朱桓墓 吳地記云在橫山

偏將軍步騭墓 吳地記云在縣西北三里一

百步有碑

丞相陸烈墓 在秦餘杭山又云虎丘山西北

十里有水名白坊又北十里胥亭東岸有漢豫

章都尉陸烈墓

山陰令陸玩墓 在陸烈墳東二里

潁川太守陸宏墓 在平門外西北二里或云

在華亭縣西北四十里

三老顧綜墓 在婁門外塘北與朱梁墳相直

朱梁墓 在婁東門南二里

左丞相陸凱墓 在西鳳凰山或云在松江郡

西北三十里

魯將軍墓 在陽山蒲泉上傳是魯肅之墓僅

存石獸石碣按宋范致明岳陽風土記載魯將

軍廟在會家門外孫權使肅守巴丘後人祀之

肅吳人葬於陽山

晉司空何充墓 按寰宇記在岸粵山東一里

按史何氏過江自充以下並葬吳西山

兵部侍郎石崇墓 在吳縣西六里

黃門侍郎潘岳墓 在石崇墳西北

東曹掾張翰墓 在橫山東五里

將軍袁松山墓 吳地記云在橫山二里盧志

云在橫山東五里松山築滬瀆壘禦孫靈芳為

賊所害麾下士突白刃負骸骨歸葬

給事中江纂墓 在府城天平山上沙宋孫起

卿於其地獲墓碑乃以大方磚刻之字畫俱存與石無異

太尉陸玩墓 在府城鷄籠山子尚書令納亦葬此地按史玩卒給兵千人守冢七十家太元中以玩有佐命勳由是特置興平伯官屬以衛墓則玩之葬地當在金陵之鷄籠山

淮南內史朱誕墓 在府城婁門外一里

驃騎將軍顧榮墓 寰宇記云在赤門外九里

陸廣微記云在吳縣東南二十里側有左威將

軍張敏墳今實在葑門東六里黃天蕩南俗稱顧邑墓西有祠題曰顧將軍廟或訛為上將軍榮從子和亦葬吳中

廬江太守闕臻墓 在府城齊門東北二里今有闕村墓

稚兒塔 在綵雲里壽聖教寺內晉道士誦法華經童子死葬此義熙十一年商人謝本夜聞誦經聲朝起見塚上生青蓮花人傳為誦經之應云

門下侍郎陸雲公墓 在橫山俗稱陸墓山舊
圖經訛為陸雲墳又或謂陸機皆非

宋會稽內史張裕墓 在吳縣西二十七里華
山

青州刺史郁泰元墓 泰元性仁恕葬日燕數
千銜土今塚猶高大異他墳鄉村歲時祭祀或
謂吳縣西南有元墓山疑即其地

雅兒墓 宋湘東太守張濟女也元徽七年葬
在至德鄉今俗訛雅宜山

齊太常陸倕墓 在綬山鄉

干將軍墓 在府城東洞庭俞塢

梁公主墓 在乘鯉坊即傳法尼寺後大士丘
也相傳梁武帝女出降郡人孫瑒寺其故宅尚
祀之稱為妙嚴公主寺西路百步許河濱有石

馬號石馬匯即其神道

陳黃門侍郎顧野王墓 在楞柳山下近越來

溪吳地記云在橫山別隅平地不起墳紹興間
碑石猶存

莫釐將軍墓 在釐山靈祐廟前大樹下

唐鸞臺侍郎顏崇墓 在泰伯廟西

贈尚書左丞陸象先墓 在光福山西

山南西道節度使歸融墓 在城二十餘里有

大冢巋然土人號歸王墓宋嘉熙中墓傍民墾

土得石如礎其中隆起八分書云唐故陳畱言

夫人墓誌四維下殺刻瑞芝按融終於少傅無

王封

吏部尚書姚紹之墓 在縣西五里一百步

飛仙王墓 在香水溪南未考何代土人發塚
得髑髏大於斗懼而掩之

姜公墓 在府城飛仙王墓東南數武亦不詳
何代唐時土人墾田得墓石一片因存其跡

陸贄墓 在齊門外六里官河之西宋淳祐中
嘗於墓旁得遺刻與所傳合或謂贄卒於忠州

忠州圖經云贄藁葬玉虛觀南或云贄已歸葬
忠州特虛塚爾

陸龜蒙墓 在甫里旁有白蓮寺

魯國夫人墓 怪奇志云嘉泰中齊門外採蓮里窰戶起土於古塚側得方石題云唐周軍魯國夫人墓又云長慶三年四月十四日葬於陸墓里通賢鄉之原

真娘墓 在虎丘路旁圖經云在雲巖寺西南山下

幽獨君墓 在虎丘山北

吳越廣陵王錢元璪及其子中吳軍節度使文奉墓 並在橫山即踞湖山錢氏有國日造薦

福寺於山下土人遂以寺名名山又墓旁有壽聖院晉天福五年文奉建以奉廣陵墓祀初名吳山院至宋治平中賜今名崇寧元年文奉孫公著立石少府監丞強浚明為記

河南法曹參軍張從師墓 在虎丘

席將軍溫墓 在府城東

宋朱氏墓 在府城穹窿山旁

范仲淹高祖麗水縣丞履冰墓 在府城天平

山左麓

駙馬都尉石端禮與陳國靖懿帝姬墓 在黃山法雲寺堂上按哲宗女封瀛國出降改陳國長公主卒諡靖懿而常熟縣東七十二里有靖懿帝姬殯所旁有褒宗崇惠寺政和七年賜額當是權厝後改葬耳

晉國公丁謂墓 在華山習家原

范仲淹祖墓 在天平山三讓原曾祖夢齡蘇州糧料官贈太師徐國公祖贊時祕書監贈太師唐國公父墉武寧節度掌書記贈太師周國

公天平吳巨鎮石山土穴人以為范氏慶今稱三太師墓

工部尚書李諶墓 在府城至德鄉洞涇西

禮部尚書蔣堂墓 在府城橫山魯塢堯峯寺旁

范忠宣純仁孫司農卿中奉大夫直方墓 在
天平水口

范恭獻純禮子觀察使贈通議大夫正己墓
在天平山右楓木塢中正己孫公鐸附

贈朝議夫大范良遂墓 在皇村燕巢山

鄭文肅戩墓 在橫山感慈塢

翰林學士葉清臣墓 在橫山寶華寺旁

祕書監贈司徒富嚴墓 在橫山寶華寺旁

天章閣待制沈起墓 在長山鄉三顧原起字

與宗元祐中以刑部郎中待制知杭州三年卒

於蘇

施昌言妻萬壽縣君徐氏墓 在三讓鄉陸公

原

同知樞密滕康墓 在華山

正議大夫滕高知解州滕中知蕪湖縣滕修將

仕郎滕璞四墓 並在華山

贈刑部侍郎陳質墓 在華山子之奇等附

屯田郎中林高並妻黃氏墓 未詳所在

集賢校理林概並妻墓

尚書左丞吳國公林希墓 並在橫山寶華寺

傍

祕書少監林旦墓 在至德鄉博士陽子朝散

郎處祔

贈金紫光祿大夫葉斐恭墓 在貞山子膳部

郎中唐稷祔

宋嘉郡君丁氏同子翰林侍讀學士錢藻墓

在天平山龍岡村

銀青光祿大夫廣平侯程師孟墓 在橫山下

都官郎中葉宗元墓 在南峰宣教郎明之祔

贈刑部尚書朱億墓 在支礪山西龍池東子

光祿卿祔女亦祔葬焉

常州知州李餘慶墓 在府城橫山

刑部郎中贈少師朱季端墓 在支礪山孫恣

曾孫昌附

贈銀青光祿大夫朱良墓 在府城支礪山弟

白哥附

中奉大夫提舉廣南市舶朱思墓 在府城支

礪山

樂圃先生朱長文墓 在支礪山南峯西

知江陰縣朱耜墓 在南峯龍池西

知如臯縣朱震墓 在府城鹿山

直史館張沔墓 在穹窿山子直龍圖閣詵附

張諷妻彭城縣君劉氏墓 在穹窿山

職方郎中沈衡墓 在吳縣界

黃隱士彥和墓 在府城北青樓世孫瑞輔臣

墓並在由姑山

贈特進盧文秀太子賓客盧華龍圖閣直學士

盧秉端明殿學士盧法原四墓 俱在府城穹

窿山

進士葉和甫墓 在鄧尉山

太子洗馬許仲容墓 在郡城西

濠州錄事叅軍杜沂并妻江氏墓 在堯山寺

北

知壽昌縣李璩墓 在天平山妻鄭氏附

贈少師徐師閔墓 在蒸山

屯田郎中方龜年墓 在女墳湖之西子惟深

附

太子中舍邊珣墓 在蒸山

龍圖閣學士徐林墓 在靈巖山西

利州觀察使李立墓 在法華院

禮部侍郎唐輝家墓 在橫山寶積寺旁十七

世接續葬於此山平江世家惟此最久

知潭州陳睦墓 在支礪山南峯

贈奉議郎王仲舉墓 在橫山桃花塢

都官郎中章甫墓 在長山鄉仕墟村道士塢

龍圖范師道墓 在天平山寺西

范之柔墓 在長洲鄉燕巢山通議大夫公武

公武孫天鑑並附

翰林學士范良器墓 在楞伽山下

尚書戶部郎中陳彥恭墓 在光福山

胡嶧世墓 在全德鄉金井塢

吏部尚書龍圖閣學士周武仲墓 在楞柳寺

旁

胡獻惠元質墓 在橫山

諫議大夫常同墓 在聚塢

管勾南京留司御史臺公事邊裕墓 在蒸山

子知微知章知白知常知遠知節知存知新悉附

直祕閣黃策墓 在長山鄉銅井山

刑部尚書黃由墓 在鄧尉山妻胡夫人附

直寶文閣胡堅常墓 在呂山一名胡庵山

蘄國韓忠武王世忠墓 在靈巖山西有高宗

御書中興佐命定國元勳之碑

范成大墓 在天平山南上沙村成大營先隴

時更名仰天山

和州防禦使趙伯驩墓 在府城至德鄉支硎

山

浙江總管團練使趙開墓 在府城管山

贈太師諡正惠趙希懌墓 在穹窿山嘉定間

以景獻恩例出葬墓旁有瑞芝之堂理宗御題三

字

贈檢校少保忠勇李寶墓 在橫山

參知政事高定子墓 在包山

捲簾使夏昶墓 在洞庭東山徐勝塢口

笠澤先生王林墓 在橫山

迪功郎富延年墓 在寶華山祖墓側

知錢塘縣葛燦墓 在至德鄉洞涇鳳凰原初

文康勝仲子立章由青陽來從葬焉立章子成

忠郎珣承節郎璠及燦子宣教郎汝諧悉附

贈宣義郎丘琚曾孫知臨江軍基墓 並在盤

門外基子漣水丞稼稼子將仕郎洙附

樂閒居士顏直之墓 在雅宜山

度支金部郎中魏近思墓 在府城蒸山

賜廉靖處士滕晟墓 在華山

知滎州虞夷簡並妻恭人滕氏二墓 在蒸山

子知岳州旒及妻魏氏附自後數世從葬教諭

堪皆在焉

知連州虞珪墓 在府城遮山

大理少卿湯壽墓 在府城萬安山子仁和知

縣諠伯孫宣教郎夢夔附

真州司法叅軍朱夢炎墓 在府城彭華鄉福

星涇

平江府通判盛岫墓 在西洞庭金石村

兩浙淮南制置使諡忠文張世傑墓 在支硎

山西隆池

知廣德軍莫子文墓 在宴宮里子知縣若鼎

孫直顯文閣中孚附

鎮東將軍僉判王斗文墓 在彭華鄉滄野分

司後

滕元發墓 在陽山栗塢

知溫州周奕墓 在陽山白龍塢曾孫炳文附

尚書右丞朱諤墓 在陽山下

朝議大夫孫載墓 在高景山大觀三年葬

樞密資政諡節愍王倫墓 在陽山大石塢

司農少卿高溶墓 在陽山

魏了翁墓 在景山金盆塢賜葬賦蠲免

奉議郎鄭時發墓 兵部尚書鄭起潛墓 並

在陽山西理宗書錦峰二字以表其地

迪功郎金章墓 在姚城村

處士章康墓 在武丘鄉

運幹湯輝墓 在虎丘西謝巷

平江府通判高晞遠墓 在齊門外

浙西安撫魏克愚墓 在陽山之栗子塢軍器

監丞華國大理司直華遠淮西機宜文字華敷

附

鄭虎臣墓 在陽山西白龍祠南

元禮部尚書于文傳墓 在閶門西雁宕村

俞石澗先生琰墓 在盤門外尹山鄉孫王墓

之東南

處士王鑑墓 在靈巖橫山

儒士邵光祖耿煜姚辨三墓 在府城鄧尉山

清泉先生陳深墓 在靈巖鄉朱墩子慎獨先

生植附

天倪先生陳徵墓 在雅宜山大墩子處士汝

秩附

隱士張雯墓 在橫山

處士陳謙墓 在天平山

處士陳明善墓 在雅宜山大墩

鎮守長橋都元帥魏國謚武宣寧玉墓 在橫
山丹霞塢子廣東道宣慰使都元帥居仁僉行
宣政院事居正江南財賦司副使昌言孫奉玉
伯謙淮南行省伯讓並附

張士誠母偽太妃墓 在盤門外今人稱為娘
娘墳又有朱平章李司徒二墳皆士誠偽官朱
名英墳在薦福山修竹塢李名行素墳在楞伽
山下

楊椿墓 在虎丘山西華里

汎丸何先生墓 在金鷄鄉燕塘之原

真姬墓 在虎丘山西二里俗呼金姬墩

七姬墓 在郡城東北隅潘氏後圃

明於墳 在堯峰顏家塢工部侍郎於朝肅葬

此俗呼為大人墳

賢良徵士盛逮墓 在橫山南麓

禮部尚書楊翥墓 在吳山嶺西洋灣長旗嶺

下

貞孝先生莫轅墓 在陳灣子延平府同知震

附

戶部尚書滕德懋墓 在橫山從子翰林院待

詔用亨附

徵賢良盛偲墓 在吳山南屏蔽塢

禮部尚書金問墓 在橫山

贈工部尚書王永和墓 在鄧尉山

陳鑑諡熙敏墓 在吳山西麓賜葬從子四川

僉事僕附

旌表姚榮妻節婦黃氏墓 在萬巷村

武功伯徐有貞墓 在貞山子錦衣衛指揮使

世良墓

都察院右都御史諡襄毅韓雍墓 在雅宜山

奇禾嶺賜葬父韓貴封右副都御史墓在山左

淵孝先生杜瓊墓 在橫山北塢

大學士贈太保諡文康顧鼎臣墓 在潭山賜

葬

神童蔣燾墓 在西官山

少傅兼太子太保諡文恪王鏊墓 在洞庭梁

家山賜葬

副都御史陳璠墓 在隆池山賜葬

解元唐寅墓 在橫塘王家村

禮部尚書贈太子太保諡文定吳寬墓 在花

園山

隱士陸采墓 在天池

刑部尚書劉纓墓 在羊腸嶺賜葬從孫按察

經歷遠祔

高士陳道復墓 在白陽山

高士蘇應鳳墓 在支硎山西龍池

禮部尚書董汾墓 在青芝山

右副都御史張煥墓 在支硎山

高士沈魯墓 在天平山裔孫吏部郎中大楠

兵部郎中應明附

太子少保禮部尚書徐學謨墓 在彈山賜葬

太子少保兵部尚書諡莊簡楊成墓 在吳山

南麓賜葬

高士錢穀墓 在橫山

大學士贈太師諡文定申時行墓 在吳山麓
賜葬

處士汪得墓 在閶門內桃花塢裔孫贈江西
叅政源深墓在梅灣山麓源深子鄉貢進士禧
墓在寶華山麓禧子廣東布政使起鳳墓在鄧

尉山麓

處士楊遵吉墓 在盤門外青松庵側

高士朱鷺墓 在寒山

高士趙宦光墓 在寒山子均附

高士黃嘉芳墓 在吳山孫文學大垵附

吏部員外郎贈太常寺卿諡忠介周順昌墓

在白蓮涇馬家墩賜塋一頃二十畝

烈婦陳氏墓 在城西龍池之千步廊婦為吳

江張士柏妻士柏死里豪徐洪謀娶之氏憤投

縣洪賄授其指氏奔赴巡按路振飛抱牒懷刃

遂列於庭特疏題旌舉士柏襄合葬於此

太學生趙士俊妻節婦鄭氏墓 在鄧尉山西

麓

旌表節婦太學生孝貞先生申用明妻徐氏墓

在鄧尉山

烈婦袁七妻陳氏墓 在香山塘村

宮保大學士郁新墓 在陽山西麓賜葬

贈禮部侍郎諡文恭劉鉉墓 在虎丘南袁公

巷

刑部尚書俞士悅墓 在白蓮橋內陳庵西賜

葬

高士沈周墓 在相城西牒字圩之原

翰林院待詔文徵明墓 在武丘鄉花涇橋之原

太子太保諡安節袁洪愈墓 在葑門外東赭墩

處士邢參墓 在虎丘西麓

都御史朱紉墓 在石瀆橋北

太僕寺卿顧存仁墓 在陽山大石塢賜葬

禮部侍郎周詔墓 在小茅山本覺海庵嘉靖

二年賜葬改庵為墓

五岳山人黃省曾墓 在匠門東華家橋北干
將墓西

太傅諡文肅王錫爵墓 在閭門外來鳳橋西
賜葬

徵士王穉登墓 在白馬澗

兵部尚書申用懋墓 在五龍橋

端孝先生楊大滢墓 在虎丘

詹事府詹事姚希孟墓 在婁門外下雉瀆西

金涇堰北

五人之墓 在虎丘山塘五人者顏佩韋楊念
如馬杰沈楊周文元也天啓間逆閹魏忠賢矯
旨逮周順昌五人公憤倡衆擊緹騎至死因被
戮士民哀之殮葬白堤之東吳默題曰五人之
墓楊廷樞表為義風千古

葛賢墓 在虎丘山塘賢原名成萬曆辛丑內
監孫隆私設稅務市井咸怨成倡衆擊委官焚
其家私稅由是止人呼為葛將軍繫獄十餘年
遇赦得釋死葬山塘

烈婦楊氏墓 在虎丘山郡厲壇之北婦故民

倪士義妻殉節自剄

烈婦顧氏墓 在虎丘山塘張公祠東

旌表歸節婦陳氏墓 在婁門外米字圩內

郭妃墓 在張士誠偽府基南

皇清康熙十一年居民掘地得碑三尺餘刻郭妃墓

三字未知其詳疑卽士誠妃

崑山縣

巴王墓 在三保巴城村舊有巴王廟凌志云

農人於廟下墾得斷碑云彭府君墓在巴王墓

南由是知廟下有墓巴王彭府君皆莫知其詳

唐溧陽令陸元感墓 舊志云神龍三年卒葬

崑山

卜將軍墓 在西鹿城鄉界卜山

黃幡綽墓 在縣西北今名綽墩中吳紀聞云

唐伶人黃幡綽葬此

姚仙客妻張氏墓 在馬鞍山北鳳凰石下

祕書郎姜府君墓 在姜里村鳳凰墩下

宋高平郁祚墓 在積善鄉土山南

王綯墓 在童橋南

侍御史王葆墓 在縣東南新漕里

孝子周津墓 在小虞浦楊巷村

侍御史李衡墓 在縣東南圓明村

陳墓 在五保湖水中當錦溪之口有墩相傳

宋嘉泰中孝宗妃陳氏葬此有蓮池院在墳次

命僧守祀今廢

龍洲先生劉過墓 在馬鞍山東宋嘉定五年

縣令潘友文主簿趙希懋葬之元至正間州爲

封表並祠於東齋僧舍復舊祭

蓮峰先生易斗元墓 在馬鞍山西麓

靖州通守江元墓 在城南二里須浦之西原

衛涇墓 在縣東南石浦鎮

隱士范良遂妻稽氏墓 在東南車塘里

元靖彝先生顧權墓 在馬鞍山北麓

處士傅翼墓 在馬鞍山陰之中峯

藍溪先生余與可墓 在城南子淵默先生日

強附

徵士宋玉墓 在馬鞍山陰

吉水判官易偉墓 在馬鞍山西

遷善先生郭翼墓 在馬鞍山北之中峰

金粟道人顧仲瑛墓 在縣西界溪

溫州路總管陳志學墓 在馬鞍山文筆峯之

下

州判官徐石鱗墓 在張公廟南

明處士張伯英墓 在泖川鄉蕭墅之西原

尚書顧禮墓 在馬鞍山北麓

孝子陸安墓 在薦嚴寺南二十步妻烈婦鍾

氏同葬

邵烈婦薛氏墓 在城西湓瀆村彭氏菜園內

王烈婦陸氏墓 在湓瀆村與邵烈婦同壤

水節婦李氏墓 在馬鞍山東北

太常卿黃子澄墓 在馬鞍山陽子彥修彥輝

附

兵部尚書虞祥墓 在城南金潼里賜葬孫叅

議臣附

戶部侍郎劉漣墓 在馬鞍山南麓

處士沈麟墓 在馬鞍山上

安節先生龔詡墓 在儒學後

彭烈婦鄭宜君墓 在縣西進福橋北垵

葉盛墓 在縣南湓瀆里賜葬

孝子友琮墓 在虞家巷

周孝婦黃氏墓 在馬鞍山南麓

處士王應電墓 在馬鞍山南麓

沈元朗世鱗墓 在朱瀝原

陶節婦方氏墓 在縣東南千墩浦之清水灣

處士俞允文墓 在縣東夾潮塘之原

太僕寺丞歸有光墓 在縣治金潼里

忠烈陳淮墓 在縣東南蔡巷村

趙烈婦尤氏墓 在葉文莊祠右

歸清遠子慕墓 在縣東南西江村

烈愍張振德暨配貞烈孺人錢氏墓 在縣西

朱塘鄉張涇口賜葬

旌表孝烈女張氏淑昭淑慶墓 在山溪橋北
準提殿西係烈愍叔女季女

常熟縣

商巫咸墓 按史記正義在虞山上子賢亦葬

其側宋王燾為縣令嘗修其墓令孫應時撰墓

碑云墓在邑之青龍山嘴王志云在長洲縣平

門外東北

仲雍墓 吳地記曰在西虞山上與言偃塚並

列又曰墓在虞山東嶺

周周章墓 圖經云在虞山上

齊女墓 吳越春秋云吳太子娶齊女女思齊

而病將死曰必葬我於虞山之巔以望齊國闔

閭傷之如其言葬之寰宇記海虞山有仲雍齊

女墓東為仲雍西為齊女梁昭明太子招真治

碑云遠望仲雍而高墓蕭瑟旁臨齊女而哀壟

蒼茫今碑尚存而墓久廢

言偃墓 史記吳世家註子游墓與仲雍墓並

列

漢黃香墓 在梅里鎮宋乾道初梅里蘇忠翊直卜葬得古塚石刻乃黃香墓碑書八分體首二句八字中二字不可識曰延陵慈父葬子博羸孟光貞曜窆夫於吳碑陰會稽東郡都尉張紘誄又有薛綜修祠日月題刻可辨者八字子瓊孫琬位登三事蘇氏挈歸家有光恠昇棄昆承湖中

晉廢帝陵 相傳在白茆市晉書廢帝名奕太和六年桓溫廢為東海王咸安二年降封海西

縣公食邑四千戶四月徙吳太元十一年十一月丙申崩於吳年三十五與庾后合葬吳陵石獸常為怪鑿損埋之土中今為石馬潭又侯白旌異記云盜發白茅冢棺內大吼如雷野雉悉雊飛焰赫然盜多被燒死

唐蔡將軍墓 在河陽山北十餘里東有韓墩舊名桓墩西為蔡墩民鋤地得斷志云唐咸通十二年蔡將軍墓

蕭天子墓 慶元志云在常熟寶嚴寺東丁家

灣之西故老傳云蕭天子墓上有古木樵牧不敢近不知何帝又盧氏云唐蕭存人號為蕭天子嘗為常熟主簿恐葬此訛稱云爾

陸丞相墓 在開元鄉岡下村

閻將軍墓 在勝法寺東將軍元和中捨宅為寺鎮北尚有小祠

李墓 在東南五十里土人或謂之李王墓慶元志云相傳吳越錢王遣將梅世忠李開山屯梅里開山卒葬於其旁十八里故曰李墓梅李

因二將得名今誤名梅里

宋中散大夫陸縮墓 在破山縮為江淮荆浙發運使臥病真州官舍儀仗無故動搖尋卒歸葬山下居民每夕聞呵導聲從墓中出紅燭夾道由是無敢樵蘇五十餘年乃已

和州防禦使周忠惠公虎墓 在邵家灣公守禦時死節子孫收遺骸葬此

和州觀察使周興裔墓 在虞山北積善鄉子迪功郎常熟縣尉昺孫承事郎祕書省檢閱文

字璵曾孫泂江制機檢察水步兵才元孫常州
儒學正文華悉附

直祕閣朱子榮墓 在練塘

邕州司戶叅軍姚嘉言墓 在河陽山

龍圖閣學士虞衡墓 在頂山白龍祠左

朝請大夫福建運判丘礪墓 在頂山曾孫奉

直大夫江東安撫司叅議官烈附

周孝子容墓 在虞山北麓報慈里父並母朱

氏亦葬此

少保右丞相曾懷墓 在虞山興福寺北

制置使印應雷墓 在尙湖南濱與漚涇鋪相

直

兵部侍郎印應飛墓 在虞山興福寺左

元龍虎上將軍上護軍海道都漕運府萬戶徐

理墓 在邵舍理以功賜地營葬

明忠隱陸子高墓 在常熟縣虞山之陽

工部尚書程宗墓 在邵家灣賜葬

禮部尚書李傑墓 在興福寺北賜葬

大理少卿章格墓 在頂山西南

都御史章律墓 在虞山之陰朱家灣

蔣欽墓 在西山正德丙寅言事廷杖死

友梅季篴墓 在望海內虞山東麓

思元桑悅墓 在穿山

隴叟林大同墓 在黃鉞墓左

賢良方正盛宗義墓 在北門內祝家山

賢良方正鄧彥章墓 在北門外

西川孫艾墓 在吾谷

陳瓚墓 賜葬在桃源澗子禹謨附

瞿景淳墓 在寶巖

中丞瞿式耜墓 在拂水巖西

顧大章墓 在均墩西

趙用賢墓 在羅墩

李氏賢良貞節墓 在拂水巖

贈光祿少卿唐天恩墓 勅葬在虞山東麓公

為葉縣令全家死流賊趙風子之難

吳江縣

漢中大夫嚴助墓 在江東南百里今呼嚴墓村

吳將軍盛斌墓 在今俗稱盛墩

吳郡餘姚邵夫人墓 在陳思村

吳駙馬墓 在儒林里名氏無考相傳尚高宗

公主

吳樞密院使墓 在桃墩

皇清順治十八年鄉人濬河得石墩一具墓誌石一座半已滅沒惟碑額題吳樞密院使

元大中大夫甯昌言墓 在同里鎮

節婦獨吉氏墓 在久詠鄉

明全孝翁吳璋墓 在梅里村

戶部左侍郎莫禮墓 在綺川

南京刑部尚書吳洪墓 在梅里勅葬子刑部

尚書山附

吏部尚書諡恭肅周用墓 在舊十八都西勅

葬

太僕寺卿諡忠義周宗建墓 在二十七都叟

字圩賜葬

嘉定縣

唐上柱國郁朝泰母姚夫人墓 在寒字圩地

名長墩

莊府君墓 在澄江門外

宋桂林宣撫使朱存仁墓 在十一都髮字圩

邑侯高衍孫墓 在二圖夜字圩裔孫刑部郎

中高聰附葬

當塗令孫嶽通議大夫孫偁墓 在護國寺後

朝散郎孫察墓 在縣集仙宮旁按察奉命使

金侯二帝起居死於北土此墓疑藏其衣冠也

閣門寄班祇侯洪公墓 在北郊

護國忠惠侯楊滋墓 在郭外岡西南

戶部儀曹趙安國墓 在縣登平橋西子揚州

司理良弼附葬

濠州定遠尉承節郎趙應龍墓 在縣東北蕭

涇之原

都官郎中龔宗元墓 在南峯

錄判龔天定墓 在縣北呂墅涇之原

元懷遠大將軍辰州路總管張武墓 在大場

鎮北

明章處士黼墓 在項涇東

工部尚書龔弘墓 在縣北浦華塘之原賜葬

孝子沈輔墓 在六和橋

儒士金聲墓 在縣治東青鏡塘之原

文起張應武墓 在縣南一都翔字圩

處士唐時升墓 在南關外

龔氏義僕李崧墓 在三都斜涇

太倉州

晉瞿礪先生墓 在直塘市

宋趙王墳 在州塗松半里許遺址尚存

宋家墳 在茜涇南一里舊志作宋高宗妃墓

相傳高宗渡海而妃卒葬此至今封丘高起俗

呼宋家墳按宋史高宗駐駕平江三日晩次吳

江遂幸臨安未嘗渡海恐非高宗也

司農寺丞郊直墓 在州大北門內今呼為大

夫墳

朝散大夫邲升卿墓 在城郭樊涇北官道東
今為民居神道柱石猶存有石碣云三十朝散
之墓

楊將軍墓 在州六窰塘之北相傳宋理宗時
有楊將軍戰死於此藁葬焉後人見其墓有光
恠因立廟

元左丞朱清墓 在北門外

朱節婦茅氏墓 在州大北門外二里

孝友先生秦玉墓 在城西吳塘之原

文懿先生殷奎墓 在州大北門外鹽鐵塘之

原

明周將軍墓 在州直塘東埠陳巷圩

南京兵部侍郎王倬墓 在州東鄉麋涇左

禮部尚書諡文簡毛澄墓 在城北鹽鐵塘東

南賜葬

都察院右副都御史王忬墓 在四都牌樓鎮

楊林塘子南京刑部尚書世貞南京太常寺少

卿世懋並附

翰林院修撰王衡墓 在東鄉十九都

織簾顧夢麟墓 在州雙鳳鎮西北吳塘之原

崇明縣

宋楊家墳 在縣境

元秦家墳 二墳無考舊縣志載在古蹟

明都御史顧達墓 在西關沙

張節婦包氏墓 在舊城千戶張倫妻倫擒寇

陣沒氏青年撫孤

樊節婦呂氏墓 在郁黃狀庠生樊養昂妻

